

## UGOVOR O PRUŽANJU/KORIŠTENJU TELEKOMUNIKACIJSKIH USLUGA

Zaključen između :

**Stomatološki fakultet sa klinikama Univerziteta u Sarajevu**, Ulica Bolnička 4A,  
71000 Sarajevo, ID: 4200542470007, kojeg zastupa dekan prof dr sc Muhamed  
Ajanović (u daljem tekstu: Naručilac usluga)

i

**BH Telecom d.d. Sarajevo – Direkcija Sarajevo, Ulica Zmaja od Bosne 88, 71000 Sarajevo**, ID: 4200211100021, kojeg zastupa v.d. direktor Direkcije Sarajevo mr. Kemal Avdagić, dipl. ing. el.. (u daljem tekstu: Dobavljač),

### Član 1.

Predmet ovog Ugovora je regulisanje međusobnih prava i obaveza ugovornih strana u vezi sa proširenjem internet konekcije, u skladu sa ponudom Dobavljača broj: 08.2.2.-38-53696/20 od 19.06.2020. godine i Odlukom o izboru najpovoljnijeg ponuđača broj: 02-2-1-48-23-23/20 od 08.07.2020. godine.

### Član 2.

Ugovorne strane su saglasne da će pod uslovima navedenim u ovom Ugovoru, Dobavljač pružati usluge proširenja internet konekcije.

### Član 3.

Dobavljač se obavezuje da će omogućiti Ugovornom organu neometano korištenje usluga proširenja internet konekcije u skladu sa ponudom Dobavljača broj: 08.2.2.-38-53696/20 od 19.06.2020. godine.

### Član 4.

Dobavljač se obavezuje da će usluge proširenja internet konekcije pružati na kvalitetan način prema pravilima struke.

### Član 5.

Dobavljač se obavezuje da svojim ponašanjem i aktivnostima neće povrijediti tajnost podataka, poruka i dokumenata kojima raspolaže Ugovorni organ.

### Član 6.

BH Telecom će u korist Ugovornog organa pružiti usluge usluge proširenja internet konekcije u skladu sa cijenom iz ponude broj: 08.2.2.-38-53696/20 od 19.06.2020. godine.

Ukupna cijena mjesečnih troškova za ugovorene usluge iznosi 85,38 KM bez PDV-a.

Ugovorne strane su saglasne da cijene usluga iz ovog člana ostaju nepromjenjive u vremenskom periodu trajanja Ugovora.

### Član 7.

Ugovorne strane su saglasne da se Opšti uslovi za pružanje usluga proširenja internet konekcije BH Telecoma (u daljem tekstu: Opšti uslovi), za koje je u redovnoj proceduri pribavljena saglasnost Regulatorne agencije za komunikacije BiH i čijim je javnim objavljivanjem u

sredstvima javnog informisanja i na službenoj web stranici [www.bhtelecom.ba](http://www.bhtelecom.ba), BH Telecom preuzeo obavezu da zaključi ugovor o pružanju/korištenju usluga, u potpunosti u skladu sa Opštim uslovima, sa svakim trećim licem koje podnese zahtjev i ispuni utvrđene uslove. Zaključivanjem ovog ugovora, smatraju njegovim sastavnim dijelom, čime se otklanja potreba detaljnog regulisanja prava i obaveza između ugovornih strana ovim ugovorom.

#### **Član 8.**

Dobavljač se obavezuje da će osigurati tehničku podršku Ugovornom organu u periodu 24x7, uz 30 minutni odziv i potvrdu putem elektronske pošte u toku radnog vremena.

#### **Član 9.**

Nadzor nad ispravnošću djelovanja veza i otklanjanje grešaka u njihovom radu obavlja Dobavljač tijekom 24 sata, svakodnevno.

Dobavljač se obavezuje da će pristupiti otklanjanju grešaka u radu veza odmah po prijemu obavijesti od strane vlastite nadzorne službe, odnosno na zahtjev Ugovornog organa. Dobavljač se obavezuje da će izvesti sve aktivnosti koje su neophodne za otklanjanje grešaka u najkraćem mogućem vremenu.

#### **Član 10.**

Dobavljač i Ugovorni organ se obavezuju da će sve tehničke podatke o povezivanju, te sve podatke o ugovornim obavezama čuvati kao poslovnu tajnu. Isto važi i za sve podatke do kojih bi Dobavljač odnosno Ugovorni organ došli slučajno, uslijed prirode povezivanja mreža i prijenosa podataka preko mreža.

Ugovorne strane odgovaraju za moguću poslovnu štetu koja bi nastala uslijed neuvažavanja odredbe o čuvanju poslovne tajne.

#### **Član 11.**

Naručilac je dužan plaćati obaveze iz osnova pružanja/korištenja ugovorenih usluga na osnovu ispostavljenog mjesečnog računa.

Fakturisanje za izvršene usluge će se vršiti na kraju svakog mjeseca, a plaćanje će se vršiti u roku od 30 dana od dana dostave fakture za izvršene usluge od strane BH Telecoma na broj računa naznačen na fakturi.

#### **Član 12.**

Svaka od ugovornih strana može otkazati Ugovor u pismenoj formi, uz otkazni rok od 30 (trideset) dana iz razloga koji su utvrđeni Zakonom o obligacionim odnosima.

#### **Član 13.**

Ugovorne strane su saglasne da Dobavljač nema pravo zapošljavati u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

#### **Član 14.**

Sastavni dio ovog Ugovora je i ponuda Dobavljača broj: 08.2.2.-38-53696/20 od 19.06.2020. godine.

### Član 15.

Za sve što nije regulisano ovim Ugovorom, primjenjivat će se odredbe Zakona o obligacionim odnosima („Službeni list SFRJ“ broj 29/78, 39/85 i 57/89; „Službeni list RBiH“ broj 2/92, 13/93 i 13/94 i „Službene novine Federacije BiH“ broj 29/03 i 42/11).

### Član 16.

Eventualno nastale sporove pri realizaciji ovog Ugovora, ugovorne strane će rješavati sporazumno, a u slučaju da se ne riješe sporazumno, utvrđuje se nadležnost Općinskog suda u Sarajevu kao stvarno i mjesno nadležnog suda.

### Član 17.

Ugovor stupa na snagu danom potpisivanja obje ugovorene strane i zaključuje se na određeno vrijeme u trajanju od 12 (dvanaest) mjeseci.


### Član 18.

Ugovor je sačinjen na bosanskom jeziku u 4 (četiri) istovjetna primjerka od kojih svaka strana zadržava po 2 (dva) primjerka.

#### DOBAVLJAČ:

BH Telecom d. d Sarajevo  
Direkcija Sarajevo

v.d. DIREKTOR  
mr. Kemal Avdagić, dipl. ing. el.



#### UGOVORNI ORGAN:

Stomatološki fakultet sa klinikama  
Univerziteta u Sarajevu

DEKAN  
Prof.dr.sc. Muhamed Ajanović



Br:

1125-19-1561/20

Datum:

29-09-2020

Br: 02-2-1-48-23-25/20

Datum: 16.09.2020. godine